



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

IV. Die Novembris.

urn:nbn:de:hbz:466:1-9625

Etymonialis, omnem fidem permagnâ virtute commerita, cum paulò post eius obitum perceptâ diuinâ Synaxi pro eius anima Deum impensius precaretur, sibi videre visa est eius animam è flammis piatricibus ad cælestis Patriæ gloriâ euolare.

Purgator.

P. FRANCISCVS

SABOYA.

Hispanus
Tortose in
certo mense
& die anno
1550.

Præerat filiis B. Francisci Borgiæ,
cum eiusdem Ducis exemplo So-

cietatem optauit, & in illa paucis annis brauium apprehendit. In eius exequiis illud singulare aliqui affirmant accidisse, quòd cum cerei pro eo condendo accepti per integras 24. horas arsisent, è cera, (vt patuit illam ponderantibus) ne vnicâ quidem vnciâ minus sit repertum quàm quantum erat antequam fuissent accendi

Mort.

Sepultura.

IV. DIE NOVEMBRIS.

P. PETRVS

DE FONSECA.

4. Nou.
Lustrans
Vlyssipponæ.
1599. ætat.
73. Socr. 50.

Hunc literarum Lusitanæ Patrem & Columnam Societatis Lusitanicæ vocant, tum ob ingenium ac doctrinam libris quoque testatam; tum ob religiosam prudentiam cum Rector Conimbricæ, Vlyssipponæ Præpositus, ac demum Romæ Assistens rebus præfesset. Philippus II. Rex voluit illum adesse tribunali illi quod pro publico Regni Lusitanicæ bono curando crexerat: item supremis tabulis Infantis Mariæ de vita migrantis: denique primo loco illum pro Episcopo Iaponiæ nominauit. Omnis eius vitæ series horologii instar fuit, cum licet multa ageret, ageret tamen omnia distributè, adeoque nunquam illi otium ad diuina deesset. Miræ fuit modestiæ in opinione suâ submitteudâ sententiæ aliorum; miræ efficacitatis in tranquillandis mentibus perturbatis; miræ tranquillitatis in rebus afflictis, vultu animoque sibi semper constantibus. Si à quopiam

Tempus.

Humil.

Charitas.

offensus fuisset; Ego verò, aiebat, bene illi faciam, velit, no'it. Domum Orphanarum, Domum item Catechumenorum erexit, & constabiliuit cum ære annuo ac stabili, tum statutis quæ condidit. Atque hi instituntur, & postea in S. Rochi templo apud Professos Baptismo expiantur. Ille etiam pars non postrema fuit eius operæ quâ istic Domus Conuersarum est inchoata. Illo adnrente erecta est domus Vlyssipponæ pro educandis filiabus militum Hispanorum; accersit ex Hispania fratres à B. Ioanne Dei Lusitano fundati; institutum Vlyssipponæ Seminarium Hibernorum; accommodatæ res Xenodochiorum; proscriptæ exitiales moribus scenæ; quo de argumento plura etiam lucubravit. Et alia plura instituit bono publico peridonea, ætatemque latu-
ra. Totum morbi tempus illi erat oratio, patientia, obedientia; ne aquæ quidem guttâ nisi obedienter admisâ.

Zelus.

Mortuus.

P. IACO:

P. IACOBVS
DE MESQVITA.

Mort.
Lusitanus
in Iaponia.
4 Nou. vel
14 1614.
Stat. 61.
Societ. 39.

Nobili domo natus, & P. Francisci Pacieci auunculus. Per annos duodequingenta Iaponiam excoluit. Duxit ad Greg. XIII. Boncompagnum, magnum illum & Apostolicam suam illam beneficentiam orbi terrarum notum Pontificem, in Europam trium Iaponicorum Principum Oratores, Virtute, ac labore quam doctrinam maior, magna plane ac mira perpessus est. Duo in silua armati illum iam adoriebantur, testerario signo aliis quoque ad idem faciendum dato: ille interea se ad orandum composuit, & illatus permissus est. In celebri illa Iaponiae tempestate contra Christi sectatores coortam, cum Christiani virgerentur ad venerandum idola, & templa diruerentur, etiam Iacobus eiecitus in exilium, ærumnis confectus, per iter in tenui piscatoris casa, felici morte lætus contabuit.

Oratio.

Fida.

M I C H A E L

FLORIVS COAD.

Mort.
Italus Syracusis. 4.
Nou. 1621.
Stat. 81.
Societ. 62.

Magnum virtutis nomen vulgo nacta est pietas Michaëlis. Ipsam illius mortis horam visus est ad portam Collegij homo ignotus, plures istic faces accendens, atque illa ædium pars circa id quo Michael migrabat

tempus lumine miro colluxisse conspecta est. Ad extremam vsque senectam vesperi se ad sanguinem vsque cadebat quotidie. A labore illum, nec ætas caduca, nec valetudinis imbecillitas auellebat, semper conantem aliquid pro viribus, vel etiam supra vires. Primos fructus Deo semper offerens non gustabat. In eleganti hortu, quem ipse præclare operam longam excoluit, nullum fructum delibavit vnquam, insigni sui victoriâ.

Mortific.

P. DOMINICVS

SIMON.

Societatem anno 1559. inierat: & in ea præclare laborarat pro sacro tribunali, pulpitoque assiduus. E Sanctorum visis insignia quædam ad mores exempla in volumen redegit, qui labor Nouitijs eximie profuit ad plures vsus. Proximo ante mortem die cum valetudinarij Minister Petrus Valpuesta eum manus eleuantem videret, parabat accedere vt iuaret si quid veller. Sed sacro quodam horrore se percelli sensit adeo vt accedere non auderet. Tum P. Simon capite manibusque sublatis veluti S. P. Ignatium coram aspiceret, dicebat: o verè nunc, o verè nunc aio verum esse te esse in magna gloria. Ne discede à me, ne discede à me, S. P. Ignati; accipe me tecum. Hæc Petrus ex ægro audiuit pleno reuerentiæ timore attonitus.

Mortific.
Hispanus
Tarragonæ
anno mēse,
die incerto.

Lectio.
S. P. Ignati.

Mort.

KKk 3

V. DIE